

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ՆԱԽԿԻՆՈՒՄ ՆԵՐԿԱՅԱՑՎԱԾ ԹԻՎ ԳԲՔԱ-ՆԳ-2020/80 ԾԱԾԿԱԳՐՈՎ ԲՈՂՈՔԸ  
ՎԱՐՈՒՅԹ ԸՆԴՈՒՆԵԼՈՒ, ՆՈՐ ԾԱԾԿԱԳԻՐ ՏԱԼՈՒ ԵՎ ԳՈՐԾԻ  
ՔՆՆՈՒԹՅՈՒՆԸ ՍԿՂԲԻՑ ՍԿՍԵԼՈՒ ՄԱՍԻՆ**

**Բողոքի ծածկագիրը և ամսաթիվը՝** ԳԲՔԱ-ԼՕ-2020/96, 24.08.2020թ.

**Բողոք բերող անձ՝** «Սօս Սիսթեմս» ՍՊԸ

**Պատվիրատու՝** ՀՀ նախագահի աշխատակազմ

**Գնման ընթացակարգի ծածկագիրը՝** «ՀՆԱ-ԳՀԱՊՁԲ-20/63» գնանշման հարցում

**Գնման առարկան՝** Կրակմարիչների, հրդեհի հայտնաբերման և հրդեհի մարման համակարգերի ձեռքբերում

**Բողոքի պահանջը՝** Պարտավորեցնել «ՀՆԱ-ԳՀԱՊՁԲ-20/63» ծածկագրով գնանշման հարցման ընթացակարգի գնահատող հանձնաժողովին՝

1. դադարեցնել «Բալոյան Եղբայրներ» ՍՊԸ-ին ընտրված մասնակից ճանաչելու մասին որոշումը,

2. ընդունել որոշում «Բալոյան Եղբայրներ» ՍՊԸ-ի հայտը մերժելու վերաբերյալ:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

## **Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

*ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁԻՆ*

*Բողոք բերող՝ «ՍՕՍ ՄԻՍԹԵՄՍ» ՍՊԸ  
Հասցե՝ ՀՀ, ք. Երևան, Ահարոնյան 2  
Հեռ: (37460) 467681  
Էլ. փոստ՝ vt@sosystems.am*

*Պատվիրատու՝ Հանրապետության նախագահի աշխատակազմ  
Հասցե՝ ՀՀ, ք. Երևան, Սարջալ Բաղրամյան պողոտա 26/1 հասցե*

*Գնման ընթացակարգի ծածկագիրը և առարկան՝  
ՀԱՆՐԱՊԵՏՈՒԹՅԱՆ ՆԱԽԱԳԱՀԻ ԱՇԽԱՏԱԿԱԶՄԻ ԿԱՐԻՔՆԵՐԻ ՀԱՄԱՐ՝  
ԿՐԱԿՄԱՐԻՉՆԵՐԻ, ՀՐԴԵՇԻ ՀԱՅՏՆԱԲԵՐՄԱՆ ԵՎ ՀՐԴԵՇԻ ՄԱՐՄԱՆ ՀԱՄԱԿԱՐԳԵՐԻ  
ՁԵՌՔԲԵՐՄԱՆ ՆՊԱՏԱԿՈՎ ՀԱՅՏԱՐԱՐՎԱԾ ՆԱ-ԳՀԱՊՁԲ-20/63 ԾԱԾԿԱԳՐՈՎ  
ԳՆԱՆՇՄԱՆ ՀԱՐՑՈՒՄ*

**Բ ո ղ ո ք**

**• Գործի հակիրճ նկարագրությունը և բողոքի փաստերը.**

✓ Հանրապետության նախագահի աշխատակազմի կարիքների համար՝ կրակմարիչների, հրդեհի հայտնաբերման եվ հրդեհի մարման համակարգերի ձեռքբերման նպատակով հայտարարված ՀՆԱ-ԳՀԱՊՁԲ-20/63 ծածկագրով գնանշման հարցման ընթացակարգ (այսուհետ նաև՝ Ընթացակարգ), որին մասնակցելու նպատակով հայտ է ներկայացրել նաև «ՍՕՍ ՄԻՍԹԵՄՍ» ՍՊԸ-ն:

✓ «Բալոյան Եղբայրներ» ՍՊԸ-ի կողմից 08.07.2020թ. ներկայացվել է բողոք, որի վերաբերյալ ՀՀ գնումների բողոքներ քննող անձ Գ. Ներսիսյանը 04.08.2020թ. ԳԲՔԱ-ՆԳ-2020/62 որոշմամբ բավարարել է «Բալոյան Եղբայրներ» ՍՊԸ-ի բողոքը:

✓ Ընթացակարգի գնահատող հանձնաժողովը 12.08.2020թ. տեղի ունեցած նիստի թիվ 6 արձանագրության համաձայն՝ հիմք ընդունելով ՀՀ գնումների բողոքներ քննող անձ Գ. Ներսիսյանի 04.08.2020թ. ԳԲՔԱ-ՆԳ-2020/62 որոշումը գնատող հանձնաժողովը որոշել է՝

-Դադարացնել ՀՆԱ-ԳՀԱՊՁԲ-20/63 ծածկագրով գնման ընթացակարգի հանձնաժողովի 22.06.2020թ.-ի թիվ 2, 25.06.2020թ. թիվ 3, 01.07.2020թ. թիվ 4 և 03.07.2020թ. թիվ 5 արձանագրությունների համաձայն ընդունված որոշումները:

- Դադարացնել ՀՆԱ-ԳՀԱՊՁԲ-20/63 ծածկագրով գնման ընթացակարգի հանձնաժողովի՝ [www.gnumner.am](http://www.gnumner.am) կայքում 03.07.2020թ. Հրապարակված ՀՆԱ-ԳՀԱՊՁԲ-20/63 ծածկագրով գնման ընթացակարգի պայմանագիր կնքելու մասին որոշումը:

✓ Ընթացակարգի գնահատող հանձնաժողովը 18.08.2020թ. (արձանագրության մեջ թուրքիմացաբար նշվել է 18.06. 2020թ.) տեղի ունեցած նիստի թիվ 8 արձանագրության 2-րդ կետի համաձայն՝ գնատող հանձնաժողովը որոշել է Ընթացակարգի 1-ին չափաբաժնի մասով ընտրված (հաղթող) մասնակից հայտարարել (ճանաչել) «Բալոյան Եղբայրներ» ՍՊԸ-ին:

• Բողոքի իրավական հիմքերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) *գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.*

2) պայմանագրի կնքման նպատակով մասնակիցների շրջանակի ընդլայնում և *նրանց միջև մրցակցության խրախուսում.*

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, *գնման գործընթացին մասնակցելու իրավահավասարություն:*

Օրենքի 46-րդ հոդվածի համաձայն՝ **յուրաքանչյուր անձ իրավունք ունի բողոքարկելու** պատվիրատուի, գնահատող հանձնաժողովի և գնումների հետ կապված բողոքներ քննող անձի գործողությունները (անգործությունը) և որոշումները:

«Նորմատիվ իրավական ակտերի մասին» ՀՀ օրենքի 41-րդ հոդվածի 1-ին մասի համաձայն՝ նորմատիվ իրավական ակտի նորմը մեկնաբանվում է՝ հաշվի առնելով նորմատիվ իրավական ակտն ընդունելիս այն ընդունող մարմնի նպատակը՝ ելնելով դրանում պարունակվող բառերի և արտահայտությունների տառացի նշանակությունից, ամբողջ հոդվածի, գլխի, բաժնի կարգավորման համատեքստից, այն նորմատիվ իրավական ակտի դրույթներից, ի կատարումն որի ընդունվել է այդ ակտը, տվյալ նորմատիվ իրավական ակտով սահմանված սկզբունքներից, իսկ այդպիսի սկզբունքներ սահմանված չլինելու դեպքում՝ տվյալ իրավահարաբերությունը կարգավորող իրավունքի ճյուղի սկզբունքներից:

ՀՀ կառավարության 526-Ն որոշման 41-րդ կետի համաձայն՝ **եթե հայտերի բացման և գնահատման նիստի ընթացքում** իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների

նկատմամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

ՀՀ կառավարության 526-Ն որոշման 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: **Հակառակ դեպքում** տվյալ մասնակցի հայտը գնահատվում է **անբավարար և մերժվում է, իսկ ընտրված մասնակից է ճանաչվում հաջորդող տեղ զբաղեցրած մասնակիցը:**

*Տվյալ պարագայում ՀՀ գնումների հետ կապված բողոքներ քննող անձի ուշադրությունն ենք հրավիրում հետևյալ հանգամանքների վրա.*

*Գտնում ենք, որ «Բալոյան Եղբայրներ» ՍՊԸ-ի կողմից Ընթացակարգի 1-ին չափաբաժնի մասով ներկայացված տեխնիկական բնութագիրը և առաջարկվող ապրանքը չի համապատասխանում հրավերի պահանջներին և գնահատող հանձնաժողովը չպետք է նման պայմաններում բավարար գնահատեր ՍՊԸ-ի ներկայացված հայտը՝ հետևյալ հիմնավորմամբ.*

Ընթացակարգի 1-ին չափաբաժնով Հրավերի տեխնիկական բնութագրով պահանջվել է Լուսաձայնային ազդարար հասցեական – 37 հատ:

Տվյալ ընթացակարգի 1-ին չափաբաժնի 1.7 կետով հայտ ներկայացրած «Բալոյան Եղբայրներ» ՍՊԸ -ն հայտով տվյալ չափաբաժնի համար առաջարկել է հետևյալ.

1.7	Լուսաձայնային ազդարար (հասցեական)	EKO	Астра-10 исп. 3 Астра-БПА	ТЕКО	37 հատ - Астра-10 исп. 3 19 հատ - Астра-БПА Ազդարարը նախատեսված է լուսային և ձայնային ազդանշանով ահազանգելու հրդեհի մասին: Ազդարարը հասցեական է և ունի հետևյալ տեխնիկական հնարավորությունները. • ղեկավարման սարքի հետ համապատասխանելիություն, • հաղորդակցության հասցեական գծի միջոցով, ընդունիչ-հսկիչ սարքի հետ, էլեկտրաէներգիայի և ինֆորմացիայի երբևորմանի փոխանակման
-----	-----------------------------------	-----	------------------------------	------	--



				<p>հնարավորություն, • ձայնային ազդանշանի ուժգնություն 'ձայնային ճնշման մակարդակ, ոչ պակաս քան 95 դեցիբել • ընդունիչից սարքի կողմից ավտոմատ դեկավարվող ներկառուցված ուլե, որի միջոցով միանում է լուսաձայնային ազդանշանը • հասցե, որը ցույց է տալիս հասցեական գծի ու ազդարարի հասցեները, • ինդիկատոր գործող ռեժիմի վերաբերյալ, • հասցեային ռեժիմի մոդուլ (2 ռեժե, 19 հատ - АСТРА-ВПА), • և այլն:</p>
--	--	--	--	--

Գտնում ենք, որ «Բալոյան Եղբայրներ» ՍՊԸ-ի կողմից Ընթացակարգի 1-ին չափաբաժնի մասով ներկայացված տեխնիկական բնութագիրը և առաջարկվող սայրանքը չի համապատասխանում հրավերի պահանջներին (մասնավորապես «Բալոյան Եղբայրներ» ՍՊԸ-ի կողմից առաջարկված լուսաձայնային ազդարարը հասցեական չէ), նման պայմաններում, Ընթացակարգի գնահատող հանձնաժողովի կողմից 19.08.2020թ. [www.gnumner.am](http://www.gnumner.am) համացանցային կայքում հրապարակված «Պայմանագիր կնքելու մասին հայտարարության» համաձայն ընթացակարգի 1-ին չափաբաժնի մասով ընտրված մասնակից է ճանաչվել «Բալոյան Եղբայրներ» ՍՊԸ-ն, որի հետ անգործության ավարտից հետո կկնքվի պայմանագիր:

«Գնումների մասին» օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Գտնում ենք, որ նաև նման տեխնիկական բնութագրի պայմաններում ՀՆԱ-ԳՀԱՊՁԲ-20/63 ծածկագրով գնանշման հարցման ընթացակարգի գնահատող հանձնաժողովը չպետք է ընդուներ որոշում «Բալոյան Եղբայրներ» ՍՊԸ-ի հայտը բավարար գնահատելու վերաբերյալ, քանի որ շուկված տեխնիկական բնութագրի պայմաններում այն չէր համապատասխանում Ընթացակարգի հրավերի պահանջներին, ուստի «Գնումների մասին» օրենքի 34-րդ հոդվածի 1-ին մասի համաձայն՝ «Բալոյան Եղբայրներ» ՍՊԸ-ի հայտը պետք է մերժվեր գնահատող

հանձնաժողովի կողմից, ինչը սվյալ դեպքում չի կատարվել: Գտնում ենք, որ վերոհիշյալի արդյունքում խախտվել է «Գնումների մասին» օրենքի 34-րդ հոդվածի 1-ին մասի և կարգի 42-րդ կետի պահանջները՝

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ.

բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

### ԽՆԴՐՈՒՄ ԵՄ՝

1. Պարտավորեցնել «ՀՆԱ-ԳՀԱՊՁԲ-20/63» ծածկագրով գնանշման հարցման ընթացակարգի գնահատող հանձնաժողովին դադարեցնել «Բալոյան Եղբայրներ» ՍՊԸ-ին ընտրված մասնակից ճանաչելու մասին որոշումը:

2. Պարտավորեցնել «ՀՆԱ-ԳՀԱՊՁԲ-20/63» ծածկագրով գնանշման հարցման ընթացակարգի գնահատող հանձնաժողովին ընդունել որոշում «Բալոյան Եղբայրներ» ՍՊԸ-ի հայտը մերժելու վերաբերյալ:

*Կից ներկայացվում է՝*

1. Պետական տուրքի վճարման անդորրագիրը:
2. «ՍՕՍ ՄԻՍԹԵՄՍ» ՍՊԸ-ի տնօրենի անձնագրի պատճեն:
3. «ՍՕՍ ՄԻՍԹԵՄՍ» ՍՊԸ-ի պետական գրանցման վկայականի պատճեն:
4. Ընթացակարգի գնահատող հանձնաժողովի 18.08.2020թ. (արձանագրության մեջ թյուրիմացաբար նշվել է: 18.06. 2020թ.) տեղի ունեցած նիստի թիվ 8 արձանագրության պատճեն:

Հարգանքով՝  
«ՍՕՍ ՄԻՍԹԵՄՍ» ՍՊԸ-ի տնօրեն

24.08.2020թ.



Վահագն Ծատուրյան